



A D R E S A R
JAVNE USTANOVE
“SLUŽBA ZA ZAPOŠLJAVANJE
KANTONA SARAJEVO” SARAJEVO


Web stranica: www.juszzks.com.ba
 E-mail: juszzks@bih.net.ba



PROCIJENITE
VLASTITE
MOGUĆNOSTI



D I R E K T O R IGOR KAMOČAJI		Đoke Mazalića broj 3 033 / 569 - 100 033 / 204 - 150 fax: 033 / 204 - 177		
R. BR.	BIROI	ADRESA	TELEFON / FAX	ŠEF BIROA
1	2	3	4	5
2	CENTAR	Mehmeda Spahe do br. 12	033/554-185 653-763 fax: 214-438	Hatidža Vrućak - Zukanović
3	STARI GRAD	Sime Milutinovića br. 4	033/557-247 fax: 557-246	Sanela Karović
4	HADŽIĆI	Hadželi br.128	033/428-621 fax: 428-620	Salko Kadić
5	ILIDŽA	Mala aleja br. 2	033/762-670 fax: 622-356	Džemila Agić-Imamović
6	TRNOVO	Trnovo bb	033/439-046	Avdo Hodžić
7	ILIJAS	Ivana Franje Jukića br. 4	033/400-037 fax: 403-350	Đenan Nožić
8	NOVI GRAD	Teheranski trg br. od 6-8	033/469-812 fax: 473 - 224	Bajro Biber
9	NOVO SARAJEVO	Ložionička br. 5	033/653-217 fax: 652-457	Amela Mulać
10	VOGOŠČA	Jošanička br. 30	033/424-080 fax: 424 - 081	Faruk Omanović



PROCIJENITE VLASTITE MOGUĆNOSTI

Prije nego što pokrenete bilo kakvu aktivnost, vrlo je bitno da procijenite šta zaista možete, znate i hoćete raditi, jer Vi najbolje poznajete svoje sposobnosti, osobine i namjere. S druge strane morate biti svjesni da postoje faktori na koje ne možete uticati, a koji Vas mogu ometati u traženju posla.

- **Pregled dosadašnjeg školovanja, kurseva i stručnog osposobljavanja**

Naravno da znate sve o svom školovanju, ali priznat ćete da je preglednije kada sve to stavite na papir i prikupite stečene diplome i certifikate. Naime, može se desiti da previdite neke bitne momente u školovanju/doškolovanju, a to Vam je najmanje potrebno u momentu kada tražite posao.

- **Pregled radnog iskustva**

S obzirom da je radno iskustvo Vaš najveći adut pri konkurisanju za posao, evo pitanja za Vas: „Možete li ovog trenutka precizirati period rada na svom prvom radnom mjestu i navesti detaljan opis poslova koje ste obavljali?“ Razmišljate, niste sigurni...? Napravite manji shematski prikaz u kojem ćete opisati dosadašnje radno iskustvo

(navedite naziv preduzeća, sjedište, vrijeme radnog odnosa, radno mjesto i opis radnih zadataka). Ukoliko nemate radnog iskustva, ali ste volontirali ili stažirali, učinite isto.

- **Razmislite o osobinama koje posjedujete**

Izvršite selekciju onih osobina za koje smatrate da Vam idu u prilog, ali obratite pažnju i na osobine kojima se ne ponosite. Razvijajte društveno poželjne osobine, kontrolišite one nepoželjne. Uvijek pođite od pretpostavke da poslodavac na zamišljenoj radnoj poziciji želi vidjeti idealnu osobu, očekujući da potencijalni saradnik pored stručnog znanja i radnog iskustva, također, posjeduje osobine, kao što su: motivacija za rad, istrajnost, fleksibilnost, dobre komunikacijske vještine i sl.

- **Želite li dalje učiti i usavršavati se**

Savremeno vrijeme odlikuje se ubrzanim razvojem i usvajanjem novih tehnologija koje nije lako pratiti na nivou znanja stečenog u toku redovnog školovanja. Više nije upitno da li je potrebno dalje učiti i napredovati, već šta je to što se mora učiti. Svaki poslodavac očekuje da pokažete interes u vezi sa svojom strukom, dobru informisanost o savremenim tokovima razvoja, uključujući i spremnost za dodatno učenje i napredovanje. Pratite sve dostupne informacije, razgovarajte s kolegama o novostima u struci, identifikujte oblasti u kojima možete dalje učiti i usavršavati se. Imajte u vidu da je lakše pronaći posao ako poznajete rad na računaru i barem jedan strani jezik. Ukoliko

imate mogućnost, pohađajte odgovarajuće kurseve i usavršavajte svoje znanje u pomenutim oblastima.

- **Razmislite o sljedećem**

Pošto je u današnje vrijeme teško pronaći posao, a naročito onaj koji će objediniti Vaše individualne kvalifikacije i želje, promijeniti nekoliko radnih mjesta i postepeno napredovati u struci nije ništa neobično. Rješavanje osnovnih egzistencijalnih pitanja često nas prisiljava da prihvatimo poslove koji ne odgovaraju našim sposobnostima i očekivanjima, i koje u nekim drugim okolnostima, vjerovatno, ne bismo prihvatili. Pokušajte jasno definisati uvjete pod kojima biste prihvatili određeni posao.

- Da li biste prihvatili posao koji ne odgovara Vašim kvalifikacijama?
- Da li biste prihvatili dodatnu obuku?
- Da li ste spremni da radite u smjenama?
- Da li ste razmišljali o samozapošljavanju?
- Koju dužinu i trajanje puta od mjesta stanovanja do posla, vlastitim autom ili javnim prijevozom, biste mogli svakodnevno izdržati?
- Da li ste spremni zajedno sa svojom porodicom preseliti se u mjesto u kojem biste dobili dobar posao?
- Da li biste prihvatili posao koji bi podrazumijevao da pronađete smještaj i ostajete u tom mjestu tokom radne sedmice?

Naravno, što ste više opcija spremni prihvatiti, veća je šansa da ćete se brže zaposliti.